

Mei 29, 2021

www.awemainta.com

www.facebook.com/awemainta

noticia@awemainta.com

583-1400



AWEMainta

RAYMOND KNOPS A PIDI PA POSPONE DEBATE RIBA GESCHILLENREGELING NA HULANDA

DEN HAAG – Na Hulanda Secretario di Estado Hulandes Raymond Knops a pidi pa pospone e debate di Eerste Kamer riba e Geschillenregeling te proximo aviso. E motibo duna ta cu e Parlamentonan di Aruba, Corsou y St Maarten no ta sostene e proposicion. Como tal sr. Raymond Knops a pidi pa wanta e tratamiento te ora cu nan trate bek den Consejo di Minister di Reino. Esaki mester a keda trata otro siman dia 1 di juni.

Mientrastanto tin representantenan di Aruba na Hulanda hunto cu Prome Minister di St Maarten, kende a bula bay e siman aki p'asina trata e situacion di likides p'e isla, pero cu ayera a keda rechaza y tambe probecha pa ta presente p'e debate di otro siman.

E asunto di Geschillenregeling ta un caso cu tin hopi aña pega, debi cu e ta un asunto cu ta delicado pa Gobierno Hulandes unda cu e gabinete lo por perde cierto poder si nan duna aden y acepta e concepto manera cu e islanan di Caribe Hulandes kier.

Entre nan, kier pa decisionan tuma, ta 'bindend', y cu Gobierno di Hulanda no por desvia di dje. Algo cu Gobierno Hulandes no kier acepta.



BIAHEDIARUBAPORNADA
Aruba a manda un delegacion di Parlamentario di Aruba Hulanda, pero ayera tur hende a keda sorprende, ora cu Raymond Knops a pidi pa pospone e reunion di Geschillenregeling. Na 2019 un delegacion di Parlamento di Aruba a participa den tratamiento di e Ley di Reino aki den Tweede Kamer. Prome cu e proceso legislativo a continua den Eerste Kamer, Raad van State a informa Gobierno Hulandes pa reconsidera seriamente e areglo di resolucion di disputa aki. Siman benidero a planea tratamento di e Ley di Reino despues di mas cu 10 aña di preparacion.

Parlamento di Aruba ta keda riba e liña indicando cu e Ley di Reino encuanto areglo resolucion di disputa, manera aproba den Tweede Kamer, ainda no ta cumpli cu acuerdonan haci den IPKO y palabracionnan haci na nivel di Gobierno.

Raad van State a laga su cu na momento cu tin un disputa riba interpretacion huridico di Statuut of di otro reglanan Constitucional den Reino, e seccion aki lo duna su conseho.

Durante su bishita na Hulanda, Parlamentario Richard Arends tabatin encuentronan cu Senadornan di Eerste Kamer, como tambe cu Raad van State y otro coleganan Parlamentario di Reino.

Tin tres opcion riba mesa awor: Eerste Kamer por acepta e areglo pa resolucion di disputa manera aproba y nos lo tin un areglo incompleto; of Eerste Kamer por dicidi di no acepta e ley aki manera cu el a wordo presenta y mand'e bay Tweede Kamer pa atend'e di nobo; of Gobierno di Hulanda representa pa Secretario di Estado Raymond Knops, por retira e ley por completo, pero awor e propio Secretario di Estado, Raymond Knops a pidi na pospone e tratamiento te un proximo oportunidad.



**INVEST
SECURE**



We don't just say it ... We Guarantee it !!!

You can focus on your business

If you leave your security protection up to us.

Call 582-7252 for a free presentation.

Email: insec@setarnet.aw



Partido MEP ta sigui campaña cu fondo di pueblo plamando asfalt pa haya voto



DOW ta kibrando un record sin duda den bashamento di asfalt den barionan, caminda partido MEP, cu ta cargando responsabilidad di e departamento aki, mas sigur Prome Minister demisionario Evelyn Wever Croes, ta bashando asfalt practicamente tur dia, den un intento pa convence votadornan riba e rutanan aki, pa vota p'e partido geel.

Gobierno no tin placa pa cantidad di cos, no tin placa pa remedi, no tin placa pa drecha ningun scol, no tin placa pa paga vakantie uitkering den su totalidad y no tin placa pa paga salarionan complete, pero e lider di MEP y su partido a haya un presupuesto di DOW di 2020 cu fondo suficiente pa plama asfalt tur caminda cu ta birando propaganda p'e partido.

Den campaña di 2017, partido MEP pa lunanan largo a insisti cu pueblo no por come klinkers, pero aparentemente awor si pueblo lo por come asfalt y esaki tambe ta un forma di malusa fondonan publico, pa gana simpatia di e votadornan. Sin duda esnan cu pa añanan largo

a wanta e molester di stof dilanti di nan cas, awor ta sinti un alivio grandi, pero ta despues di casi cuater aña, cu porfin partido MEP a dicidi di haci algo na interes di pueblo, ya cu nunca e interes di pueblo tabata prome riba lista di e maneho cu e partido a hiba.

Awe miles y miles di florin, cu sin duda lo yega miyones ta ser usa no cu na prome lugar pa sirbi e interes di pueblo, pero mas tanto pa sirbi interes politico di partido MEP, e mesun partido den e ultimo tres añanan y mey, no a asfalta ningun caminda, pero awor den tempo di eleccion, ta trata di gana simpatia di un pueblo cu el a negligha por completo.

Aki tin cu menciona cu hopi di e careteranan cu a wordo asfalta ta core den barionan cu a sostene partido MEP, caminda famia di candidatonan ta biba pues no ta tur bario a ricibi e mesun trato aki.

Gruponan di DOW ta trahando overtime, den oranan di anochi pa trata di cumpli cu e programa di propaganda di partido MEP rumbo pa eleccion di dia 25 di juni.



Bishita di Prome Minister “all of a sudden” na Ministerio Publico

Na mes momento presencia di oficialnan di Landsrecherche ta crea mas duda di integridad

UN dia despues cu Benny Sevinger a menciona number di lider di MEP den un caso di negoshi di tereno, ata Evelyn Wever Croes na porta di Ministerio Publico den un bishita cu ta laga un sabor amargo atras. Algo increibel cu lider di e pais, ta comete e tipo di acto aki, dor di sigui crea ainda mas duda den pueblo, riba integridad di Ministerio Publico, ya cu Evelyn Wever Croes, ta lider di un oponente politico di e politido Benny Sevinger, kende ta deteni relaciona cu keho entrega pa miembronan di e partido di Evelyn.

Ta un dia prome e propio lider di MEP den un declaracion duna despues di detencion di Benny Sevinger, ta anuncia cu e lo bay entrega un keho pa difamacion contra e politico di AVP caminda riba dje, un dia despues Evelyn ta na porta di Ministerio Publico den un bishita cu ningun hende tabata sa motibo di e bishita.

Mientras cu presencia di Evelyn tabata super sospechoso, hasta na mes momento cu su persona tabata n’e departamento aki, algun oficial di Landsrecherche tambe ta presenta n’e departamento aki cu sin duda ta un coincidencia super straño y cu ta habri caminda pa comunidad haya ainda mas duda den e forma di procede di Ministerio Publico di ultimo tempo.

Pa completa obra, Minister Presidente demisionario no ta drenta n’e entrada principal di Ministerio Publico, pero ta drenta na banda caminda ta para bon cla entrada di empleado pues no tin claridad e riba e motibo di e bishita aki.

Den un siman cu Ministerio Publico ta wordo cuestiona ter na su fundeshi, e tipo di actonan aki simplemente no por wordo hustifica ya cu e ta bolbe lanta duda grandi den integridad di e departamento di husticia aki.

Entre e grupo di oficialnan di Landsrecherche cu tabata na mes momento di bishita na Landsrecherche, por a tuma nota presencia di oficial Vlaun, kende ta of tabata encarga cu tapmento di telefon, un proceso cu tambe ta birando un asunto hopi serio, caminda cu tin reglanan ki ora esaki por y no por, pero ta parce cu ta tap celular di ciudadanonan hasta pa un aña largo, loke tambe a sosode den caso di Paul Croes y tambe despues den e caso di Benny Sevinger.

Esaki a sosode tambe den e caso di detencion di dos miembro di prensa aña pasa caminda tabata investigando uso di radio di Polis sin permiso, pero ta algo cu mester wordo atendi den futuro, ki ora por hustifica tapmento di telefon y ki ora esaki no mag.

Si Landsrecherche ta abusando di e posibilidad aki, mester percura p’esakinan ta tuma lugar den un contexto legal aceptabel y cu no ta bay mishi cu derecho di privacidad di cualkier ciudadano, si autoridadnan no tin indicacion concreto cu realmente e persona lo ta meti den irregularidadnan serio.

Momento ta yegando cu tanto Ministerio Publico como tambe Landsrecherche tambe tin cu wordo investiga, sigur despues di e caso di Avestruz con e proceso di investigacion a cambia na mes momento cu un lider politico a manda su Gobierno cas y a yama eleccion tres luna adelanta.

Mester investiga si henter e proceso aki ta wordo influencia politicamente ya cu e ora no por papia di un proceso husto of hasta legal.

E duda cu Ministerio Publico y Landsrecherche mes ta creanndo pa nan integridad, tin cu wordo aclaria den futuro cercano ya cu e proceso hudicial mester ta un proceso liber di tur influencia di cualkier tipo cu por tin.

Por a tuma nota cu den oranan di merdia, Prome Minister Evelyn Wever-Croes, den compania di Minister di Husticia Andin Bikker, a presenta na Ministerio Publico.

Un rato despues, algun funcionario di Landsrecherche tambe a presenta na e sitio, pero no por duna indicacion si nan lo a bin sea riba peticion di e minister relaciona cu e caso di Benny Sevinger, of pa algo otro.

Prome mandatario na su salida, mas of menos un ora y mey despues, kende a comenta cu el a reacciona riba parlamentario Benny Sevinger

mainta durante conferencia di prensa. Cada biaha cu un minister of politico ta ataca in-hustamente, corte ta pone cierto reglanan. Como politico no por core bay corte mesora pa pidi rectificacion. Corte ta traha un maneho cu ta bisa cu prome cos cu tin cu haci ta pa percura pa bo mes refuta y esey ta loke el a haci durante conferencia di prensa.

El a bisa cu ta trata di acusacionnan totalmente falso y no ta involvi den ningun transaccion di propiedad, ni a haci esey tampoco. Y sigur no di e magnitud cu e parlamentario a papia di dje. Wever-Croes ta haci un apelacion na tur lider politico pa e cuater simannan cu falta, pa enfoca riba solucion y vision cu por presenta pa Aruba. Igur tin confiansa den Ministerio Publico, cual a haci e apelacion aki pa no ataca of lastra e institutonan manera Ministerio Publico, Landsrecherche, hefe di Censo of Consejo Electoral.

Ta institutonan totalmente independiente. Reino y otro paisnan ta vigila cu Ministerio Publico tin e espacio pa actua independientemente. Ningun minister tin algo di bisa of mete den esey y ta carga e pleno confiansa di parti di gobierno, e mandatario a bisa por ultimo.

Mayoria contribuyente a cumpli cu pago di belasting di auto



Sra. Luenne Pieters, Directora di Departamento di Impuesto (DIMP) durante un conferencia di prensa a informa con e pago di number di auto a bay den 2021.

E cifranan cu el a menciona, ta muestra cu hopi contribuyente a cumpli cu nan obligacionnan caba.

El a cuminsa pa informa cu Gobierno a dicidi di pospone ultimo dia di pago pa loke cu falta di belasting di vehiculonan di motor. Esaki tabata prome dia 30 di juni y awor el a bira 2 di augustus.

Datonan di DIMP ta muestra cu tin 88.997 mil vehiculo registra di cual e sistema ta muestra cu 71.529 a haci nan pago completo, cu ta un tiki mas cu 84%, pues esaki ta nifica cu tin 15.204 plachi cu no tin nada paga. Di e cantidad aki mayoría ta number A (12.570), sigui pa V-car (1142); bromer (466); DT (203) y esnan cu number (180).

Manera semper ora di tempo di pago di number di auto, ta recorda esnan cu no ta uza un plachí number cu ta mihor pa entrega esaki, sino lo haya cobranza tog.

E aña'ki tabatin 2264 plachi number entrega dor cu nan no ta den uzo.

Den e prome periodo a saca 15.603 cobranza adicional p'esnan cu no a cumpli cu prome pago y e boet aki ta 50% di e suma cu mester a paga.

Hopi persona cu a paga via di banco, a haci peticion na DIMP pa comprobante di pago.

Un total di 15.603 peticion a wordo entrega, cualnan a wordo procesa dor di tres funcionario.

Cada un ta procesa rond di 5 mil peticion. Aworaki falta rond di 4 mil peticion pa procesa ainda.

DIMP ta consciente cu tin keho di clientenan cu no a haya nan comprobante ainda.

Esaki ta debi na diferente motibo, entre otro cu tin un suma bieu habri (aña pasa), e formulario tin dato cu no a wordo yena.

Ta consciente cu tin hopi plachi bieu den circulacion, pero tambe tin problema cu espacio pa staciona autonan cu ta wordo confisca.

Por corda tambe cu DIMP a ofrece e posibilidad pa nan clientenan paga tur luna 50 florin, pa no haya nan mes den problema di ultimo ora.

Algun mil a haci uzo di e sistema aki, cu ta vigente ainda mirnado cu a pospone e fecha di pago te cu dos di augustus.

INVESTIGACION

Directora di Impuesto a contesta pregunta riba un investigacion andando, pero hopi breve pa motibo cu e investigacion riba malversacion no a finalisa ainda. Esaki t'e motibo cu e no por bay den detaye.

E caso ta den man di Recherchenan. Na momento cu e caso ta sera, lo duna pueblo e informacionnan necesario.

Parlamentario Robert Candelaria

Gobierno mester trata hendenan cu ta pidi y haya permiso den forma husto

Parlamentario Robert Candelaria di fraccion di AVP a mostra cu aki 5 siman Aruba lo scoge su Gobierno nobo, pero hopi hende ta preocupa cu e situacion di nan trabou, nan salud, nan futuro y tambe nan status legal.

“N’e momentonan aki tin un Gobierno cu no kier prolonga permiso., un Gobierno cu a priminti amnistía y nos ta asumi cu e kier a priminti asilo pero a priminti amnistía.

En realidad e grupo di hende cu permiso ta un grupo cu a wordo lubida y den hopi sentido castiga p’e gobierno lidera pa Evelyn Wever Croes.

Claramente e principio di ‘campana ta un y goberna ta otro’ ta aplicabel aki atrobe cu otro Gobierno di MEP caminda despues di casi 4 aña di gobernacion. e Prome Minister ta corda cu hopi di e comunidad Latino por vota y awor ta pidi nan pa disculpa y cu awor si lo traha pa nan.

Dicon no a haci esaki e ultimo 4 aña? Despues cu a lubida y negligencia e grupo aki, awor ta pensa pa no prolonga permiso y mandanan bek.

Hopi di esnan cu permiso ta esnan cu a integra den nos comunidad. Nan tin hende of empresa cu a firma pa nan haya nan permiso y nan ta paga nan SVB, AZV y tur nan impuestonan.

Nan hendenan cu ta haci compras y ta contribuí na economia di e pais, nan ta paga huur, fianza na banco, gasolin etc, caminda nan yiunan a nace aki y ta bay scol aki.

E no ta husto pa nos ta gosa di nan presencia ora cos ta bon so mientras cu hopi biaha, nan ta e cara di nos turismo.

Awor cu cos ta difícil ta busca forma pa core cu nan y manda nan, nan lugar bek caminda banda di e hecho cu esaki ta cruel y inhumano, e ta tambe imprudente.

Economistanan a mostra nos cu esaki lo afecta nos economia hopi duro si e grupo grandi aki bandona nos pais den poco tempo.

Nan contribucion lo cay afo, afectando nos economia mas duro ainda cu djis Covid y su efectonan.

AVP no ta reclama so, pero manera semper ta bin cu solucion.

KICO AVP TA PROPONE?

Husticia mester tin un balance entre 2 man, e man di ley duro y e man di compasion.

Prome e man di compasion: Ora un hende drenta nos pais conforme nos leyman y un hende of empresa firma p’e, e mester haya un trato lihe y husto. E no mester bay di cashi pa muraya y hopi ta reclama cu nan proceso ta tarda y nan no sa unda pa haya informacion.

E ta drenta pasobra e tin trabou y kier contribui na nos economia y e lo mester duna su aporte na nos pais y ta contribui na tur nos fondonan social di impuesto y sin duda nos mester trat’e bon.

Di otro banda, tin e man duro di husticia: Ora un hende drenta nos pais sin permiso, e mester wordo manda bek su pais ya cu nos ta un estado di derecho y leyman ta stipula con y bou di cua condici con un hende por drenta nos pais,” Parlamentario pa fraccion di AVP, Robert Candelaria a declara.



PANADERIA DEL PUEBLO
Baked with Love

Fresco Tur Dia

HABRI TUR DIA DI 6:00AM-6:00PM

YAMA NOS: 5821915

Guyabastraat #4
Dakota

Mr. Gerlien Croes di AVP

Enseñansa no formal esencial p'esnan cu no caba scol sigui desaroya



Miembro di partido AVP, mr. Gerlien Croes a presenta algun punto cu ta forma parti di su programa p'e proximo gobernacion caminda entre a trata e tema di "Reconoce Bo Educacion."

"Caba un scol ta parti importante di e base di nos formacion como ciudadano. Poco nos ta papia di e balor y mesun importancia di otro abilidadnan y nos talentonan. Den mayoria bario, e infraestructura ya caba ta existi, pa nos por crea oportunidadnan pa nos hendenan.

Nos modelo di educacion mester crece den esaki y considera e desaroyo di abilidadnan y talentonan aki, mesun importante cu e desaroyo intelectual. Na Aruba tur mucha-, hoben-, adulto- y grandinan, mester tin e oportunidad pa desaroya nan mes pa bida largo riba tur area di nan formacion. Esaki ta e base pa desaroyo di nos pais."

Gerlien a trata e punto di formacion di comunidad mustrandocu esaki t'e

base cu su persona a usa den e programa di 2017 caba, caminda el a papia hopi riba formacion y union di e pais, pa asina por sigui desaroya.

"E situacion cu nos ta aden actualmente a siña nos hopi y ta momento pa nos refleha y realisa, cu nos tin cu trece otro tipo di pensamentonan pa loke ta toca e ciudadano su formacion. E custumber y tradicion na Aruba ta, cu nos ta papia na hopi ocasion di enseñansa pero ta bon pa profundisa un tiki mas riba locual ta educacion riba su mes.

Den comunidad mi ta topa cu hopi hende kendenan no ta compronde mucho e diferencia entre enseñansa y educacion.

Basicamente nos por considera cu enseñansa ta un di e tipo di educacionnan cu nos como individuo ta ricibi y enseñansa ta educacion formal ya cu e ta un trayecto, un scol cu nos ta bishita, caminda nos ta ricibi un certificacion, un diploma pa esaki.

Tiki biaha nos ta duna atencion pa locual ta educacion no formal y informal y cu esaki mi kier a mostra cu nos tin cu realisa cu na Aruba hopi ta e personanan hoben-, adulto- y grandinan, cu no ta termina un skol pero kendenan tin hopi abilidad y hopi talento cu lastimamente no ta wordo reconoci. Enseñansa no formal por ehempel, ta proyecto- of curso- of charlanan c'un persona por sigui despues di scol y cu no ta wordo duna dor di un institucion, dor di un scol formal.

Como ehempel lo mi muestra riba practica di deporte, curso of les di biografia, arte, musica, computer/tablet y cu

na final di dia por asta duna e persona un certificacion of un reconocimiento pa esaki tambe."

E candidata number 4 riba lista di AVP a sigui muestra cu den un educacion no formal, t'e esun cu ta interesa pa siña mester tin oportunidad pa su mes decide su tempo, esta con lihe e ta haci e curso, ki ora y con e ta haci esaki.

E curso aki especificamente ta duna e persona aki e oportunidad pa desaroya su abilidadnan, por ehempel su abilidadnan pa public speaking of communication skills of certifica su mes pa e por sigi crece na su trabou.

Tambe tin e parti di educacion informal locual ta loke nos ta siña den bida diario, manera ora cu nos topa c'un persona, nos ta combersa, sea den un seno familiar, si nos ta bay cinema of si nos ta riba internet, tur e plataformanan aki of den e formanan di comunica, hopi biaha un persona ta intercambia palabra y bo ta siña algo for di e combersionnan aki, y esaki actividad nan social den comunidad ta hunga un rol importante.

"Locual mi kier purba trece dilanti, locual mi kier pa comunidad compronde, cu mundo ta desaroyando den un forma hopi acelera y nos ta wak tambe e pandemia treciendo e realidad mas cerca di nos cu normalmente tabata e caso.

Nos ta papia hopi di diversifica economia durante cu nos tabata pasando den momentonan dificil ultimo lunanan y te cu dia di awe, base pa diversificacion no tey ainda y nos tin cu bay crea esaki," laga nos cuminsa cu inverti den nos hendenan, mr. Gerlien Croes a declara.

Johnson notary services

PUBLIC AUCTION

TUESDAY June 29, 2021

On Tuesday June 29, 2021 at 11am, at the Conference Room of the Chamber of Commerce, Aruba, will be auctioned in public pursuant to articles 3:268 and 3:254 of the Civil Code of Aruba:



A commercial building under construction, locally known as
Sero Colorado z/n,

situated on a right of long lease until 2 July 2068, at Rogers Beach, consisting of:
- a parcel of land, in total 6.309 m2 in size and further described in measurement certificate 27 of 14 April 2008, and
- a parcel of land, in total 1.383 m2 in size, and further described in measurement certificate 5 of 2016.

Starting bid: USD 1.946.000,00 or Afl. 3.463.880,00

AUCTION NOTARY: Th.R. JOHNSON

- The auction is subject to the general conditions for foreclosure auctions and special auction conditions which will be determined by civil law notary Th.R. Johnson.
- Seller has the right to not accept any bid, at its sole discretion.
- The auction may be stopped or postponed at any time.
- Each bidder must submit a bank guarantee and/or letter of credit issued by a bank in Aruba for the amount of the highest bid increased with an amount equal to the auction costs.
- A signed and dated private bid can be submitted until June 14, 2021, 5 PM. A bidding form can be downloaded on our website.

For more information:

WWW.JOHNSONNOTARY.COM

TRAFICACION Y
CONTRABANDA
DI HENDE
TA PASA
SERCA DI BO



BAI WAK E PELICULA

**OTRO
BANDA
DI LAMA**

NA

HABRIBOWOWO.COM

**HABRI
BO
WOWO!**

Jeugd en Zeden Politie a detene un homber pa abuso sexual di menor

Den oranan di ayera mainta na un cas na Buena Vista a detene e homber di inicialnan Guido A.G. Maduro naci na Aruba di 33 aña pa abuso sexual di menor, di su propio yiu di 6 aña. (Art. 2:199 jo. art. 2:210 lid 2 en art. 2:200 jo.art.2:210 lid 2 en art. 2:208 lid 1 di nos codigo penal).

Pa Cuerpo Policial por resolve mas caso cooperacion y informacion di pueblo di Aruba ta hopi importante, pesey nos ta pidi si bo tin cualkier informacion yama nos tiplijn: 11141.

Nos ta garantisa cu bo ta keda anonimo.

EXECUTORIALE OPENBARE VERKOOP

Op **donderdag 17 juni 2021** des namiddags om 14.00 uur, zal in de vergaderzaal van de "Aruba Surfside Marina", L.G. Smith Boulevard 7, Oranjestad, Aruba, ten overstaan van notaris mr M.J.C. Tromp of haar plaatsvervanger, de executoriale verkoop, als bedoeld in artikel 3:268 van het Burgerlijk Wetboek van Aruba, bij opbod en daarop volgende afmijning worden gehouden van:

uitsluitend tezamen:

1. een perceel eigendomsgrond groot eenduizend zeven en vijftig vierkante meter (1.057 m²), gelegen te Savaneta op Aruba, kadastraal bekend als Land Aruba **Vierde Afdeling Sectie E nummer 187**, met het daarop gebouwde, plaatselijk bekend als **"Savaneta 307"**;
2. een perceel eigendomsgrond groot eenduizend achthonderd en vijftig vierkante meter (1.850 m²), gelegen te Savaneta op Aruba, kadastraal bekend als **Vierde Afdeling Sectie E nummer 178**; , met het daarop gebouwde, plaatselijk bekend als **"Savaneta 123-K"**;
3. een perceel eigendomsgrond groot tweeduizend vijf en twintig vierkante meter (2.025 m²), gelegen te Savaneta op Aruba, kadastraal bekend als **Vierde Afdeling Sectie E nummer 179**; met het daarop gebouwde, plaatselijk bekend als **"Savaneta 125-K"**.

Inzetprijs: Afl. 1.575.000,--

De veilcondities zullen 8 dagen voor de verkoopdatum ter inzage liggen ten kantore van voornoemde notaris.

De executant behoudt zich het recht voor, de veiling uit te stellen en op te houden zonder de verplichting de reden(en) daartoe te noemen.

Tot en met 2 juni 2021 kan onderhands op de te executeren registergoederen worden geboden bij een aan voornoemde notaris mr M.J.C. Tromp gericht geschrift.

Bieders dienen terstond een bankgarantie of een gelijkwaardige document dat aanvaardbaar is voor de executant, te overleggen en in het bezit te zijn van een geldig identiteitsbewijs.

Notariskantoor mr M.J.C. Tromp
Santa Cruz 35
Tel: 5853500/5857900
Fax: 5854222
Email: veiling@notaristromp.com/auction@notaristromp.com

Huez Comisario a dicidi cu den caso di Avestruz Arends, Abath y Every a ser laga den libertad, mara na condicion

Diaranzon 26 mei 2021 e sospechonan Osling Benny Sevinger y Claudia M.C.H. a keda deteni.

Sevinger ta wordo sospecha di a comete varios hecho castigable entre otro, soborno (omkoping), abuso di cargo (ambtsmisbruik), labamento di placa (witwassen) y participacion na un organizacion criminal (deelname aan een criminele organisatie). C.H. ta wordo sospecha di labamento di placa.

Ayera despues di merdia Huez-Comisario a trata e detencion (verlenging in verzekeringstelling) di e dos sospechosonan aki. Tur dos, tanto Sevinger como Claudia H., lo keda den detencion pa awor na interes di e investigacion.

Ademas Huez-Comisario a trata ayera despues di merdia e peticion entrega dor di Ministerio Publico tocante detencion di e sospechoso Peter Th.A.Susebeek.

Huez-Comisario a duna ordo pa detencion (gevangenhouding) di Susebeek y a dicidi cu e sospechoso aki tambe lo keda den detencion p'awor.

Riba peticion di Ministerio Publico, Huez-Comisario a suspende detencion den e casonan contra e sospechosonan Franklin F. Abath, Freddy P. Every y Maria Leoncita Arends. mara na condicionnan.

Banda di condicionnan general, Huez-Comisario a pone como condicion especial cu e sospechosonan ta prohibi di tin contacto cu cierto persona y cu nan mes ter coopera cu e investigacion.

Minister di Cultura Xiomara Maduro presente na

Prome Encuentro Multicultural di celebracion Dia Mundial di Diversidad Cultural pa Dialogo y Desaroyo



SIMAN pasa diabierna Minister di Cultura, Xiomara Maduro tabatin e honor di haci e apertura di e prome Encuentro Multicultural na Aruba, relaciona cu celebracion di Dia Mundial di Diversidad Cultural pa Dialogo y Desaroyo. Un celebracion cu ta duna nos e oportunidad pa sera conoci cu otro mas ainda, pa medio di nos musica y baile di folklore, nos tradicionnan, nos cuminda, idioma y expresionnan artistico.

UNESCO a declama dia 21 di mei, como Dia Mundial di Diversidad Cultural pa Dialogo y Desaroyo, mihor conoci como Dia di Diversidad Cultural. Segun Nacionnan Uni, si den cada pais nos trece e diferente cultura hunto, nos por contribui na pas, desaroyo positivo y estabilidad social den nos comunidad.

Minister Xiomara Maduro a indica cu un iniciativa asina ta crea un plataforma unda colonia di tur nacionalidad estableci na

Aruba por bin hunto y comparti nan amor patriotico cu otro. Ki mas bunita cu den nos propio Cas di Cultura, cu ta brinda nos e espacio pa por expresa sin limite nos herencia cultural y nos talentonan artistico. Un dia asina ta engrandece nos conocimiento y ta duna nos e sentimento di paz, union, amor, solidaridat, respet y tolerancia.

Pa medio di esaki nos ta siña sostene y balora nos diversidad cultural, cu na mes momento ta haci nos asina unico y special. E mandatario durante su discurso a trece dilanti cu e encuentro cultural aki a cuminsa na Aruba for di aña 2006, bou di e nomber di 'Feria Multicultural', e tempo ey riba 'Dia de la Rasa' cu no ta un dia mundial y tampoco un dia pa celebra multi-culturalidad. Durante transcurso di tempo a dicidi di celebra encuentronan multicultural aki riba diferente fecha. E aña aki a dicidi di cambia e fecha di e encuentro multiculturalnan pa un dia specifico,

esta riba Dia Mundial di Diversidad Cultural.

Dia 21 di mei ta mesun fecha cu Aruba a oficialisa nos idioma materno Papiamentu na aña 2003. Nos idioma Papiamentu ta locual ta sera e 'gap' entre tur e nacionnan cu ta biba riba e pida baranca aki. Durante e anochi aki e mandatario a declara e fecha di dia 21 di mei, como e fecha pa den futuro Departamento di Cultura Aruba sigui organisa e celebracion Multi-Cultural aki, hunto cu tur e colonianan cu ta residencia na Aruba. Minister Xiomara Maduro a anuncia cu den aña 2022, lo bay amplia e celebracion pa un periodo di un siman y probablemente sin pandemia e evento aki lo bira uno mucho mas grandi. Banda di e intercambio artistico multi-disciplinario, lo bay organisa tambe Exposicion Artesanal, Feria Gastronomico, Intercambio Artistico y un Simposio cu e tema di "Integracion".

E dignatario a gradici tambe e lider di e evento aki, sr. Jhon Freddy Montoya y tur e miembronan di Cuerpo Consular na Aruba, pa e sosten cu semper a duna Jhon Freddy pa realisa un encuentro multi-cultural. Ademá e mandatario a duna un danki special na tur artista, bailado, cantante, musico, artesano y voluntario involvi den e intercambio cultural di awe.

Minister di Cultura a trece dilanti pa nos sigui engrandece y aporta na e Dia Mundial di Diversidad Cultural. Siguí construi un Aruba cu un calidad halto di bida, na unda nos por sigui biba den completo harmonia cu otro. Cu Dios sigui bendiciona nos pais Aruba.

Por ultimo e mandatario a finalisa cu un expresion di sr. Hubert 'Lio' Booi (dfm): "Pone e Arubiano na altura di su cultura y siñ'e conoce di otro". Cultura nos tin cu bib'e!

Bunita proyecto realisa cu Aruba Doet na Fundacion Centro Famia Piedra Plat



FCFPP ta gradici Oranje Fonds & CEDE Aruba y tur e boluntarionan cu a yuda nos duna e Centro un bunita up lift. Un tremendo ekipo di 25 boluntario cu a traha hopi duro, pero a pasa bon y na final a saborya un dushi plato di cuminda.

Nos Fundacion ta traha den un forma comunitario pa nos comunidad. Nos tin un After-school program pa mucha y hoben di scolnan primaria (basisschool) y secundario (voortgezet onderwijs).

Y tambe nos tin un Academia Musical bao nomber di Cas di Musica. Y tur diabierna nos tin Club Oansa, segun Adriaan Berg, Presidente di FCFPP.

Defensa ta prepará su mes pa temporada di Orkan na Islanan Ariba

Defensa ta tene entre 26 di mei te ku 5 di jüni un ehersisio di yudansa di emergensia den kaso di un orkan riba Islanan Ariba. Den esaki specialmente ta central pa practicá movementonan logístico di personal y ekipo. Defensa ta train esaki ya asina e Militarnan por keda desplegó rápidamente y eficazmente na momento di un menasa real di orkan.

Despues di e transferencia den direccion di Sint Maarten, Saba y Sint Eustatius, lo tuma lugar actividadnan chikito, repartí riba e diferente islanan. E unidadnan lo haci uso di nan estadia tambe pa sera mihor conocí cu tur tres isla y e socionan relevante establecé eyan, tal manera organisacionnan gubernamental, organisacionnan no-gubernamental y empresanan cu ta desempeñá un papel importante den yudansa di emergensia. Ademá di esey no ta tuma lugar un gran escenario di ehersisio riba Islanan Ariba.

Un asina yamá destacamento previo a bula diahuebs 27 di mei, pa medio di e avion di patruyahe di Wardakosta (DASH 8) desde Còrsou, via Aruba bay Sint Maarten, pa facilitá e yegada di e 'forsa principal'. Mayoria di e Militarnan participante ta biaha pa medio di un buelo di charter òf barco for di Còrsou via Aruba bay Sint Maarten, òf pa medio di un buelo charter for di Hulanda cu destino Sint Maarten.

Dos destacamento chikito ta biaha pa medio di e avion di patruyahe di Wardakosta bay Saba y Sint Eustatius. E realisacion di tur e transferencianan t'e meta principal di e ehersisio pa orkan aki.

Mayoria parti di e 250 Militarnan ya caba ta presente den Region Caribe y ta consistí entre otro di unidadnan di Forsanan di Ehérsito Real (Compagnie in de West), Cuerpo di Marinier (Marine Squadron Caribe) y e barco di Marina Zr.Ms. Pelikaan.

Ademá tin presente na Sint Maarten permanentemente un destacamento di Marinier. Dor di train na Islanan Ariba, na momento di un menasa real di orkan ta posibel pa directamente despues cu esaki pasa, bay over na brinda e yudansa di emergensia y salba hendenan den peliger. Tambe den un situacion asina e Militarnan por sostené autoridadnan civil y aportá den órden y seguridad público.

COVID

Den e preparacion y ehecucion di e ehersisio aki a tene cuenta debidamente cu e limitacionnan (pa biaha) cu e pandemia di Covid-19 ta trece cu n'e. Solamente personal cu un tèst negativo ta permití pa participá n'e ehersisio. Tur e sobrá reglanan adicional di e Gobièrnonan di Sint Maarten, Saba òf Sint Eustatius, ta keda cumplí.

SETAR ta entrega proyecto di Fortinet



FOR di aña pasa, SETAR ta ofrece e servicio nobo di Fortinet su Fabric Network y Unified Threat Protection. E red aki ta consisti di Fortinet Switches, Next Generation Firewall y Access Points. E sistema aki ta ideal pa scol y companianan, pasobra ta combina un local area network cu Wi-Fi y ta ofrece un "Unified Threat Protection" (UTP) cu e cinco aplicacionnan mas importante pa protehe bo red.

Aña pasa e servicio aki a wordo instala na Instituto Pedagogico Arubano (IPA) y recientemente SETAR a instala esaki na Colegio Arubano. Awor tur alumno di e scolnan aki por ta conecta na Wi-Fi cu speednan halto. Esaki ta hopi importante pa enseñansa di futuro ya cu ta bay un stap mas leu cu conecta e scol so riba Internet.

E sistema di Fortinet ta uno cu ta hopi "user friendly". Cu e sistema aki bo por wak reportahenan y tuma accion mas liher ora cu tin cualkier problema, p.e. bo ta haya un notificacion mesora un access point cay y tambe ki tipo di notificacion e ta.

E sistema aki ta bin cu, entre otro, un "Application Control" unda cu por wak ki aplicacionnan ta wordo uza riba e red, tambe e ta ofrece "Intrusion Prevention" cu por detecta ora un persona ta purba hack e red y e asina yama "Fabric Technology" cu ta haci'e posibel pa wak tur device cu ta uza e red.

Tur e aspectonan aki ta mehora bo experiencia ora di uza Internet y tambe e "Network Performance".

Como SETAR nos ta orguyoso di por sigui extende servicionan di siguiente generacion na nos clientenan banda di tur e otro servicionan cu nos ta ofrece.

Minister Andin Bikker a reuni cu Embahador di Reino Hulandes staciona na Venezuela



RECIENTEMENTE Minister mr. Andin Bikker a reuni cu e Embahador di Reino Hulandes staciona na Venezuela, sr. Robert Schuddeboom. E ultimo aki ta di bishita na Aruba pa reuni cu varios mandatario y instancia.

E Embahada di Reino Hulandes na Venezuela ta instrumental den cuadro di por ehempel aplicacion pa visa a base di e Rijkswisumwet,

e buelonan humanitario y ora di accion di rescate cu ta riguarda tripulacion di botonan cu por a drief bay den awanan teritorial di Venezuela y vice versa.

Na final di e reunion Minister Bikker a expresa cu tabata un reunion hopi fructifero y cu el a gradici e representante diplomatico pa tur su sosten y cooperacion brinda na nos isla.



N.V. ELMAR cu suplica na tur partido politico

N.V. ELMAR ta haci un apelacion na tur partido politico pa durante e periodo aki di campaña electoral, ora di haci bishita den bario, pa pone hopi atencion na kabel di coriente den e area.

Durante e temporada di campaña partidonan politico ta haci bishita den bario cu truck di zonido, speaker y banderanan halto cu por ranca liña di coriente y consecuentemente tambe pal'i luz causando asina interrupcion di coriente den becindario.

N.V. ELMAR tambe kier a enfatisa cu ora di lanta bandera, pa no pega esaki na tubo di metal den cercania di e kabelnan di coriente.

Contacto cu liña di coriente por ta peligroso y hasta por costa bida di hende.

N.V. ELMAR ta suplica tur partido politico y campañadornan tene bon cuenta cu e haltura di speaker riba truck y tambe banderanan durante bishita den bario.



ELMAR

Hospital ta aprecia interes demonstra den situacion actual

TWO conoci como COHO a haya bista di cerca di HOH y su retonan



Dr. Horacio E. Oduber Hospital a ricibi riba diahuebs atardi e grato bishita di delegacion di Tijdelijke Werkorganisatie, esta TWO (COHO). Un bishita compaña pa representantenan di Gobierno di Aruba cu e meta principal conoce di cerca nos Hospital y su hendenan. Alabes pa un biaha mas enfatisa y demonstra como Hospital di Aruba e importancia pa no corta den cuida medico cu na final di dia ta perhudica comunidad y salubridad di Aruba.

“Un recorrido cortico pero sigur fructifero na unda e delegacion di TWO a conoce diferente colega na Hospital y mi ta contento cu nan por a wak cu nan mesun wowo e situacion na Hospital. E retonan cu tin pa loke ta escasez den personal, e importancia pa inverti den educacion di personal y tambe e retonan di e renobacion y construccion. Mi ta spera cu mirando y scuchando tur esey nan ta realisa e importancia pa no corta den cuida medico”, asina sr. Jacco Vroegop di Junta Directiva di HOH a menciona.

E bishita di TWO na Hospital a cuminsa cu un recorrido na Lab-HOH unda a topa cu diferente colega ya haci pregunta tocante unda nan ta awor y planes pa futuro. Siguiyente a hiba e delegacion conoce localidad unda ta tuma lugar intervencion di cardiologia y radiologia y a splica den detayes e importancia di e tratamento aki pa Aruba y tambe region. A sigui pa camber di operacion na unda a hiba combersacion cu hefe di departamento y coleganan di OK.

E curason di Hospital ta keda nos enfermeronan y pues a hiba e delegacion di TWO departamento di cuida Snijdend 3. Por ultimo a cana cu e delegacion di TWO via Hospital pa clinica di Dialisis unda nan a papia cu manager di Dialyse conhuntamente cu specialistanan tocante Aruba y su pashentnan y e importancia pa sigui brinda e cuida aki.

Hospital ta sumamente contento cu e bishita di delegacion di TWO conhuntamente cu representantenan di Gobierno di Aruba y ta spera cu nan a haya un bista di Hospital y e cuida medico cu ta ofrece, pero tambe e situacion actual y e importancia pa sigui inverti den cuida medico pa comunidad di Aruba.

UN SNECHI DI PALABRA DI DIOS

SANTISIMA TRINIDAD 30 di mei 2021Nr. 313

I lect: Deut 4, 32-34. 39-40

Salmo: 33

II lect: Rom 8, 14-17

Evangelio: Mt 28, 16-20



E diesundiscipelnan a bay e sero na Galilea, camindaHesus a bisa nanpabay. Ora nan a mira Hesus, nan a hinca rudiaador'E, aunketabatinalguncutabata duda. Hesus a acerca nan y a bisa: "A entrega na Mi tur autoridad na mundo y den shelo. Bayanto y haci e hendenan den tur nacion mi discipel: batisanan den nomber di Tata, di Yiu y di Spirito Santo y siñanancumplicu tur loke Mi a ordena boso. Y cordacu Mi tacu boso tur dia, te na fin di mundo."

Palabra di Señor.

MENSAHE

Awe Iglesia ta celebra solemnidad di Santisima Trinidad.

Fo'ichikito nos a siñacutin un Dios, pero den tres persona divino:

Dios Tata, Dios Yiu y Dios Spirito Santo.

E berdadakita e DOGMA principal di nos Iglesia. E ta un berdadcu nos no por compronde, pero nos takere, pasobra E a keda revela pa medio di Hesus. E mes ta afirma: Ami y Tata, nos ta Un. Hesus mes ta anuncia binimento di Spirito Santo cutaSpirito di Dios Tata y di Dios Yiu.

Un historia tacontacu San Agustin a hacihopi estudio y esfuersopacompronde e misterio di Santisima Trinidad. Un anochi e tin un vision. E ta mira un mucha canto di laman cu a coba un buraco den santo y cu un hemchitabata pasa awafo'i laman bash'e den e buraco. San Agustin a puntr'e: 'Kicobotahaci?' Riba esey e mucha a contest'e, cu e ta trata pasa awa di laman, bash'e den e buraco. San Agustin a bis'e: "Eseytaimposibel...!" E ora ey e mucha a contest'e: "Di igual manera taimposibelpacompronde e misterio di Santisima Trinidad."

Nos takere den Dios Tata.

E di dos lectura di aweta bisa nos cu nos a ricibiSpirito di Dios y nos por yam'E Abba – **Tata**. Asina nos fe den Dios tapidipa nos trata Dios como nos Tata. Un tata tacomprometicu su yiunan, pero yiunan tambe mester tacomprometicunan Tata.

Nos tayiunan di Dios y tambe su herederonan en cuanto nos tastim'E como Tata.

Nos takere den Dios Yiu.

Kiermen den Hesu Cristo, nos **Salbador**.P'esey tambe nos takeda invita padrenta den un relacion intimo cuHesus, tuma nos cruz di cada dia y sigui'E, como e caminda, e berdad y bida.

Finalmente **nos takere den Spirito Santo** santificador. E ta**santifica** nos pa medio di sacramentonan y otro accionnan di Iglesia di Cristo.


Dios ta amor, p'esey e no por ta soledad. Papa Benedicto XVI den un di su discursonan a bisa; "Dios ta comunidad di amor". Su amor ta perfecto p'esey tambe su unionta perfecto, p'esey E ta UN. Apesarcuta trata di un union y amor perfecto, Hesustapidi nos pa nos aspira biba como Santisima Trinidad: Panan sea un manera nos ta un, Ami den Bo y Abo den Mi..." (Hn 17) Si acaso pamotibo di nos mal experiencianan nos a stop di kere den amor, nos fe den Santisima Trinidad tamustra nos cu amor divino taposibel y mester aspir'e.

ORACION

Santo! Santo! Santo!

PROPOSITO

Pone masatencion riba bo amor y union familiar.



Rest In Peace



Ki alegría, ora nan a bisa mi:
"Ban cas di Señor!"

I awor, ata mi aki para na bo porta Señor.
Salmo 122

Cu inmenso dolor y tristesa na nos curazon nos ta anuncia fayecimiento di nos Tata, Welo, Bisawelo y ruman stima:



Eldi Romaldo Koolman

*15-09-1945 †23-05-2021

Esposa:

† Francisca (Sita) Koolman-Maduro

Yuinan:

Agnes Y Elvis Henriquez-Koolman

Elizabeth (Lili) Koolman y Fidelio (Delio) Ras

Eldito (Dito) Koolman

Danilo (Dani) Koolman Y Valerie Henriquez

Nieto y nietanan:

Carlos Willems y Jennifer Arias

Carolina Willems y Saul Croes y familia

Shandy Schwengle

Cristina Willems

Tata di su nieto y nietanan:

Carlito Willems

Mama di su bisanieto:

Jannyr Querales

Bisanieto y Bisanieta:

Jahdiel Willems y Eliza Croes

Tata y Mama:

†Lorenzo y †Juliana Koolman-Wout

Rumanan:

†Sabina y †Candelario Quandt-Koolman y familia Danies

†Laurens (Max) y Felicia Koolman-Kelly y familia

Rosabela (Rosita) Koolman y familia Quant

Frank y Dora Koolman-Hernandez y familia

Jacqueline (Sira) Allen-Koolman y familia

Adriana Koolman y familia Rouse

†Robert (Robbie) Koolman

Erwin Flanegin

Freddy Flanegin

†Pablo Flanegin y familia

Swa Y Cuñanan:

Julio (Nadi) y Raquel Maduro y familia

Maria Maduro

†Brigida (Dachi) Maduro y familia

Remencio Werleman

Laurencio y Marjorie Werleman-dos Santos y familia

Josef Werleman y familia

Mendino Werleman y familia

Thomas (Tommy) Maduro y familia

Salamon (John John) Maduro

Marina Werleman

Erna (Marlene) Werleman y Melvis Servinus y familia

Amiga di kas:

Rebecca Koolman-El Jabakhanji

Su mihor Bisiña:

Jacenta Geerman-Lee y familia

Omo y tantanan, sobrino y sobrinanan, primo y primanan hopi pa menciona, Comer y Comper, Bisiñanan y demas amigonan y nan conocirnan

Su ex Coleganen di D.O.W. y Rumannan di Iglesia Alianza Nobo, y Ekipo Dios ta Amor.

Demais famianan:

Koolman, Maduro, Henriquez, Geerman, Willems, Schwengle, Querales, Croes, Quandt, Danies, Quant, Wout, Arias, Kelly, Hernandez, Allen, Rouse, Flanegin, Rosel, Werleman, Hart, Rasmijn, Stamper, Groeneveld, Briezen, Caster, Thiel, Angela, Servinus, Rodriguez, Gamara, dos Santos, Orman, Jansen, Noguera, Yarzagaray, El Jabakhanji, Lee, Henricus,

Ta invita pa acto di entierro cual lo tuma lugar na Royal Funeral Home diasabra 29 di mei 2021 di 2'or pa 4'or di atardi. Despues lo sali pa Santana Centraal Sabana Basora.

Nos disculpa si den nos tristesa nos por a lubida un familiar, bisiña of conocir.



"Senor ta mi luz y Salvacion" salmo 27
Cerca Dios mi ta na Paz maneraun yuicercasu mama
salmo 131

Cu hopitristesaperoconforme cu boluntad di Dios nos ta
anuncia cu a bai soseganapaz den brasa di Señor :



Jose Eulogio Ridderstap

mihorconosicomo "Chito" of "Zipply"

*16-06-1959 - + 22-05-2021

Na numberdi sumayornan: Mama Sara Kelly

Tata + Jose Ridderstap

Yuinan: Errold Ridderstap y Rosa

Ridderstap-Jimenez y familia

Jerrino Ridderstap y familia

Sherrelina Ridderstap y Mila Gonzalez y familia

Giovanni Ridderstap y Joanna Leonora y familia

Manera Yuinan: Jessy de Munnik-Tromp y familia

Roseleña Paula y familia

Roald Paula y familia

Nieto(a)nan: Juemy - Jerriane - Annaïs - Xianne -

J-Sean - Aidan - Dylan - Janelle

Maneranieto(a)nan: Tyara - Raynard

Su pareha: Lena Lampe

Rumanan: Charlie Ridderstap

Mario Anthony Ridderstap y Emely Ridderstap-Tromp y familia

Maritza (Koeki) Tromp-Ridderstap y Rosendo (Chin) Tromp y familia

Subrinanan: Amarelys Ridderstap y familia,

Miliencia Paskel-Ridderstap y familia

Subrino: Arturo Tromp

Tanta- y Omonan: +Luisa, +Maria, + Stephanita,

+Johan, +Nadi, Balbino y Niki.

Prima (o) nan: Jeta Van der Linden y familia,

Ruben Semeleer, Lourdes Semeleer,

Marlena Nuñez y familia, Zayra Richards-Kelly y familia,

Johnny Kelly, +Arnold Kelly, Grecia Kelly y familia, Roland Kelly y familia,

Jeanette Mitchel, Lisa Rios

Iha: Ranzino Zievinger

Su bon amigo: Roald Oduber y familia

Tur suamigonan di casino, y demas amigo y amiganan y bon amistadnan, bisiñanan, ex-coleganan di Holiday Inn, Basi-ruti, Dulce Vita y Americana.

Demais Famia: Ridderstap, Kelly, Tromp, Semeleer, Lampe, v/d

Linden, Nuñez, Raven, Paskel, Wolff, Franken, Feliciano, Rios,

Mitchel

Ta invita pa acto di entierro cual lo tuma lugar Diamars 1 di Juni, 2021

Na Misa Santa Anna na Noord, di 1'or pa 4'or di atardi. Despues

lo sali pa Santana Catolica na Noord.

Condolencia lo tuma lugar na Misa Santa Anna dia di

entierro desde 1'or

Nos disculpasi den nos tristeza por a lubida algun familiar of

conocer.

Pa motibo di situacion actual di covid19 y reglanan di DVG, nos

ta pidi pa mantene tur e protocolo nan vigente.



"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi"

Salmo 33

Cu dolor na nos curason, nos ta anuncia fayeceimiento di
nos ser stima:



Lennox R. Mark

"Paps"

*22-01-1951 Aruba - †11-05-2021 Colombia

Na number di su:

Yuinan:

Danny Mark y Laura

Rocky Mark y Luisa

Erika Berger-Mark y familia

Tammy Mark y familia

Nieto(a)nan:

Dylan Mark

Alexia Mark

Zina Mark

Danny Jr. Mark

Jade Andrews Mark

Jillian Arrooyo Mark

Abigail Arroyo Mark

McKenzie Berger

Silas Berger

Rumannan:

Gentle Nyack

Lovell Mark

Frederick Mark

Bernadette Mark-Manning

Sobrino(a)nan:

Mario Martinus

Ashiko Martinus

Toby Martinus

Frederick Mark

Meredith Presente

Sheldon Nyack

Lovell Mark Jr.

Sonia Jermin

Tur primo- y primanan, amigo- y amiganan, conocirnan

y bisiñanan

Ta invita pa acto di entierro cual lo tuma lugar na Aurora

Funeral Home diasabra 29 di mei 2021 di 2'or pa 4'or di

atardi. Despues lo sali pa Santana Centraal Sabana

Basora

Condolencia lo tuma lugar na Aurora Funeral Home

diabierna 28 di mei 2021 di 7'or pa 9'or di anochi.

Disculpa nos si den nos tristesa nos por a lubida algun

famia of conocir.

Pa situacion actual di Covid-19 tin cu cumpli reglanan

stipula door di DVG tapaboca ta obligatorio, hasi uso di

handsanitizer y mantene distanciamiento social, evita

aglomeracion y no ta permiti pa duna man, sunchi y

brasa.

Koalishon nobo: OJO!!

No duna CORC erfpacht riba terenonan di RdK

WILLEMSTAD - “No duna e kompania ku ke eksplotá refineria Isla erfpacht riba e terenonan na Bullenbaai i Waaigat pasobra muy probablemente si e proyekto frakasá e kompania lo bende e tereno i Kòrsou ta keda sin ‘pito ni flouta’ dje refineria”, ta e atvertensia ku e hurista Marguéríte Nahar di Den Haag a manda ayera den un Karta Habrí pa Pik Pisas i señora Ludmila Larmonie.

E Karta Habrí ku e hurista Marguéríte Nahar a manda pa e dos lidernan ku ta bai forma koalishon den gobiernu di Kòrsou enkabesá pa e muy probabel promé minister Pik Pisas i su partner di koalishon ta kontené un litania di atvertensia pa no konsedé e terenonan na erfpacht pasobra praktikamente nan ta bira doño dje terenonan i komo tal nan por hasta bende nos patrimonio nashonal.

E hurista a referi na e interes general di Pais Kòrsou kontra interes di un grupo chikitu selekto ku ta representá interesnan straño.

Estando na Ulanda pero sabiendo bon-bon ki ta pasa na Kòrsou konsiderando su anterior komentaronan riba susesonan importante den nos pais, e hurista a komprondé ku ta intenshon dje koalishon pa sera un akuerdo ku un grupo lokal ku ta operá bou dje nomber CORC pa nan sigi operashon di e refineria i e Oil Terminal na Bullenbaai. E ta sinti ku ta su deber pa hala atenshon riba e siguiente aspektonan.

Den prensa a sali ku e koalishon nobo lo tin intenshon di sera e akuerdo ku CORC dunando nan derechi di erfpacht loke e ta desrekomendá fuertemente i e tin su motibunan. E konsekuensianan legal ku e derecho di erfpacht lo trese kune lo perhudiká Kòrsou masha hopi tantu huridikamente komo ekonomikamente pasobra den sentido huridiko CORC ta bira doño de fakto di e terenonan ku e inmobiliarionan riba dje. Den sentido ekonomiko e derecho di erfpacht aki lo forma un estorbo pa e futuro kresementu ekonomiko ku Kòrsou mester haña ku desaroyo total di e teritorio total di Bullenbaai komo haf di tránsito komo propiedat di gobiernu i ku gobiernu mes ta eksplota.

E scenario aki ta realista danki na e posishon logistiko di Bullenbaai riba e karetera maritimo via Kanal di Panama pa Lehano Oriente. No solamente esei sino e risiko ku ta n konsekuensia huridiko inevitabel ku CORC lo haña maneho i eksplotashon dje terminal petrolero huntu ku e teritorio maritimo ta un risiko real.

Otro risiko partikularmente importante ta ku CORC ta outorisá i tin derechi pa sera un fianza masha masha grandi i ofresé finansistanan e terenonan di Isla i Bullenbaai komo borg. Si seguidamente CORC faya di paga e fianza. e finansista tin tur outoridat legal à bende e borg na findishi koriendo e risiko ku e haf profundo na Bullenbaai lo por kai den man di straño desconosí ku geopolitikamente no ta deseabel pa Reino.

Ademas Ministerio di Defensa di Reino lo tin e obligashon pasobra nos ta den Reino, pa defendé Bullenbaai kontra intervenshon indeseabel stranhero of enfrentá akshonnan indeseabel ku estadonan di Medio Oriente.

Un defensa asina no solamente ta kosta miones pasobra intervenshonnan militar ta masha kostoso sino ku e aparato militar di Reino por hañ’é ta defendé interesnan stranhero den e teritorio di Bullenbaai.

Den tal kaso ta e kontribuyente ulandes lo tin di hinka man den pòtmòni pa paga un situashon indeseabel asina pa defendé un teritorio leu for di kas i kama te den ‘chokamata’ di Oseano Atlantiko kaminda nan no tin arte ni parte den ningun konflikto.

Logikamente ku e habitantenan di Ulanda lo haña rabia kontra Kòrsou pasobra a hinka nan den un situashon asina.

Hulanda i Hulandesnan no tin problema pa duna asistensia humanitario pasobra por lo general karakter di Hulandesnan ta inkliná pa hasi donashon di material na tur parti di mundu i sigur na Kòrsou. Sinembargo ora opinion publiko na Hulanda tende kuantu e grasia aki ta kosta nan reakshon lo ta negativo.

Señora Nahar a musta tambe riba e kontaminashon ku operashon di un refineria i Bullenbaai lo kousa nèt awor ku Korte a dikta ku e situashon aki no por perdurá. I masha importante, e hurista ta puntra si e Gobiernu demishionario di Kòrsou ta realisá ki konsekuensianan huridiko indeseabel i inevitabel lo bai tin si duna CORC erfpacht e tereno i laman na Bullenbaai. CORC i su sosio brasileño lo kome nan ‘met huid en haar’.

Señora Nahar a splika finalmente ku ta bon e ke Kòrsou i nos gobiernu ku su konseho, pero ku ta nan tin ku tuma e desishon.



Gradicimento

Nos kier a gradici tur esnan cu a musta nan atencion y cu a companianosdurante e momentonandificil di nos difunto



Otilio C. Maduro

Bosomuestra di cariñotabata un gran Consuelo pa nos.

Un danki special na; Hospice Atardi, Aurora Funeral Home, Pastoor Jan, Igmar pa subunitacanticanan.

Alavez ta invita pa tressacrificio di misaPapaJuan Pablo II; diasabra 29 di mei pa 6 pm, diadomingo 30 di mei pa 9 am y diahuebs 3 di juni pa 6.30 pm



E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL